

Early Childhood Connector | Caij Nplooj Zeeg 2024

Koj tsab ntawv xov xwm peb lub hlis twg ntawm kev saib xyuas me nyuam yaus thiab kev kawm ntawv thaum ntxov.

Muaj nyob rau hauv tsab ntawv xov xwm no

Early Childhood Connector Caij Nplooj Zeeg 2024	1
Zoo siab txais tos rau Early Childhood Connector	2
Early Childhood Connector Calls	2
WIC pab cov tsev neeg noj kom muaj kev noj qab nyob zoo	2
Qhov tseem ceeb ntawm Kev Tshuaj Ntsuam Xyuas Me Nyuam Thaum Yau	3
Qhia koj lub zej zog txoj kev kho me nyuam tshiab.....	4
Kev hloov kho tshiab rau cov khoos kas DHS uas muaj ntawv tso cai thiab muaj ntawv pov thawj.....	4
Cov phiaj xwm kev siv cai lij choj.....	4
Hloov kho tshiab lub caij nyoog cov qauv tawm ntawv tso cai uas tau muab kho dua tshiab rau kev saib xyuas me nyuam yaus	5
Provider Hub	5
Feem Hauj Lwm Saib Xyuas Kev Kawm Thaum Pib	5
MDH hloov pauv cov foos kev txhaj tshuaj tiv thaiv	6
Kev hloov kev saib xyuas me nyuam hauv tsev neeg yog cov ntawv tso cai tas mus li.....	6
Cov peev txheej muab kev pab rau tsev neeg, cov me nyuam yaus thiab cov kws muab kev pab cuam	6
Puas muaj lus nug?	6
Puas muaj lus tawm tswv yim?.....	6

Zoo siab txais tos rau Early Childhood Connector

Ua tsaug rau koj tso npa nkag rau hauv Early Childhood Connector Tsab Ntawv Xov Xwm! Minnesota Children's Cabinet thiab Departments of Education, Health, Human Services, and Children, Youth, and Families tau tsim tsab ntawv xov xwm no los txhawb kev sib txuas lus rau cov kws saib xyuas me nyuam yaus thiab cov kws qhia ntawv thaum ntxov hauv Minnesota. Cov neeg muab kev pab cuam saib xyuas me nyuam yaus thiab cov kws qhia ntawv thaum ntxov tuaj yeem cia siab tias yuav muaj tsab ntawv xov xwm peb lub hlis twg thiab qee qhov email hloov tshiab. Thov ua daim ntawv soj ntsuam txuas rau hauv qab ntawm tsab ntawv xov xwm no qhia rau peb paub seb koj xav li cas txog cov ntsiab lus thiab peb yuav tuaj yeem txhim kho peb cov kev sib txuas lus li cas.

Early Childhood Connector Calls

Hauv peb lub hlis twg, lub xeev tab tom tuav lub rooj sib tham ntawm Connector Calls nrog cov neeg muab kev pab cuam saib xyuas me nyuam thiab cov kws qhia ntawv thaum ntxov txhawm rau los teb cov lus nug ntsig txog kev cai lij choj, ntawv tso cai, cov khoos kas pab cuam, nyiaj pab thiab ntau yam ntxiv. Lub hom phiaj ntawm kev hu xov tooj yog los teb cov kev txhawj xeeb ntawm cov lus nug uas tej zaum cov neeg muab kev pab cuam yuav muaj. Kev hu xov tooj tau txais online ntawm WebEx, [kaw suab cia, thiab muaj nyob rau hauv Early Childhood Connector nplooj vev xaib.](#)

Cov kws qhia ntawv ntawm txhua hom raug caw tuaj koom cov kev hu no. Peb zoo siab txais cov lus nug los ntawm cov khoos kas pab cuam uas muaj ntawv tso cai, cov chaw pab cuam uas tau txais kev tso cai, cov kev zam, cov chaw muab kev pab cuam uas tsis muaj ntawv tso cai raug txoj cai, cov neeg saib xyuas uas yog Tsev Neeg, Cov Phooj ywg thiab Cov Neeg Koom Zos, thiab cov tib neeg xav pib ua lag luam fab kev zov me nyuam.

Koom nrog peb qhov Early Childhood Connector Call nyob rau lwm zaus

- **Hnub hu tom ntej:** Hnub Tuesday, Lub Ib Hlis Ntuj Tim 14, 2025, 7-8 teev tsaus ntuj.
- **Qhov twg:** Sib ntsib hauv oos lais ntawm WebEx
- **Tus kab txuas sib tham:**
<https://minnesota.webex.com/minnesota/j.php?MTID=m6e0ec55c584187e55bea6e0620913eee>
- **Lub Hom Phiaj:** Rau lub xeev los teb cov lus nug kom meej rau cov neeg muab kev saib xyuas me nyuam thiab cov kws qhia ntawv thaum ntxov. Lub xeev yuav tsis daws qhov kev tsis zoo siab ntawm tus kheej thaum lub sij hawm no.
- Thov [xa koj cov lus nug rau ntawm no](#). Cov lus nug yuav tsum tau muab xa ua ntej qhov koob tsheej; peb yuav tsis teb cov lus nug kiag tam sim ntawd. Peb yuav rau siab tshaj plaws los teb txhua cov lus nug raws li lub sij hawm uas tsim nyog. Thov xa koj cov lus nug li ob lub lim tiam ua ntej kev hu xov tooj.

Thov zwm hnub thiab tus kab txuas qhov kev sib tham rau hauv koj daim ntawv qhia hnub; lub xeev yuav tsis xa lub sij hawm sib tham tuaj caw lawm. Kev hu yuav raug muab kaw cia thiab tuaj yeem cia rau nkag cuag tau ib ntus rau cov neeg tuaj koom tsis tau.

[Kawm paub ntau ntxiv txog Early Childhood Connector Calls, suav nrog cov hnub uas yuav muaj nyob rau tom ntej, thiab xa koj cov lus nug cia rau ntawm no.](#) Peb tos ntsoov yuav ntsib koj hauv kev hu xov tooj zaum tom ntej!

WIC pab cov tsev neeg noj kom muaj kev noj qab nyob zoo

Ntau tsev neeg hauv Minnesota nyob hauv thaj chaw uas tsis muaj khoom noj haus tshiab thiab tab tom ntsib nrog kev muaj khoom noj haus tsis txaus. Kev tshaib kev nqhis hauv Minnesota zoo li cas? Ib ntawm 11, lossis kwv yeas li ib nrab lab, Minnesotans ntsib kev tshaib kev nqhis, suav nrog 180,000 tus menyuam yaus.

Cov khoom noj haus tsis txaus noj tam sim no siab dua li thaum muaj kev sib kis kab mob lawm thiab. Kev txhawb nqa rau fab khoom noj haus zoo thiab kev lag luam ntxiv rau cov tsev neeg ntau yam uas muaj thaum muaj kev sib kis kab mob sib

kis tau xaus thiab suav nrog tag nrho cov nqi khoom siv xws li khoom noj qhuav, roj, thiab vaj tse kuj tau nce siab lawm. Qhov no ua rau muaj kev ntxhov siab ntau dua rau cov peev nyiaj hauv cuab yim neeg, tshwj xeeb tshaj yog rau cov neeg uas khwv tau nyiaj tsawg.

Tsoom Fwv Teb Chaws lub khoos kas khoom noj haus zoo ntxiv tshwj xeeb rau cov poj niam, cov me nyuam mos, thiab cov me nyuam yaus, hu ua WIC, txhawb kev pib kom muaj kev noj qab nyob zoo los ntawm kev kawm paub khoom noj haus muaj thaj, khoom noj khoom haus muaj txiaj ntsig zoo, kev pub mis rau me nyuam thiab pub mis niam, thiab kev xa mus rau kev pab cuam kev noj qab haus huv thiab kev pab cuam hauv zej zog rau cov neeg koom nrog.

Cov tsev neeg tuaj yeem [thov rau WIC](#) tau hauv oos lais. Cov poj niam cev xeeb tub thiab niam txiv – suav nrog niam txiv tu thiab tus saib xyuas – nrog tus me nyuam mos los sis me nyuam yaus hnuv nyoog qis dua 5 xyoos tuaj yeem thov tau. Cov tsev neeg yuav tsum muaj cov nyiaj tau los raws li qhov tsim nyog thiab nyob rau hauv Minnesota thiaj li tuaj yeem thov tau. Cov tsev neeg uas twb tau koom nrog cov kev pab cuam xws li Kev Pab Kho Mob los sis SNAP yuav tau txais cov txiaj ntsig nyiaj tau los yam nws cia li txiav nws los rau xwb. Mus saib nplooj vev xaib [Kuv Puas Tsim Nyog Tau Txais WIC?](#)rau cov txheej txheem nyiaj tau los tam sim no.

WIC cov khoom noj muaj txiaj ntsig suav nrog mis nyuj, mis khov, mis qaub, qe, tag nrho cov nplej, cov cereal, txiv laum huab xeeb, taum thiab ntau yam ntxiv. Nws kuj yuav xam li \$26- \$52 hauv ib hlis rau cov neeg tuaj koom yuav khoom tshiab, khov, los sis cov txiv hmab txiv ntoo thiab zaub. Ntxiv rau, nws yooj yim dua los siv dua li yav dhau los, ua tsaug rau My MN WIC app thiab WIC daim npav rho nyiaj hluav taws xob. Kev siv WIC cov txiaj ntsig khoom noj haus pab rau cov tsev neeg tuaj yeem coj cov nyiaj khwv tau los hauv tsev mus siv tau rau lwm qhov uas tsim nyog hauv tsev neeg thiab yuav txo tau kev muaj khoom noj haus tsis txaus neog thiab.

Cov chaw muab kev pab ntxiv

- Daim ntawv thov WIC hauv oos lais: [Thov rau WIC](#)
- Tshawb nrhiav koj lub koom haum WIC hauv koj zos: [Ntawv Teev Lub Koom Haum Sawv Cev ntawm Minnesota WIC](#)
- Kawm paub txog WIC cov khoom noj haus: [Phau Ntawv Qhia Txog Kev Kiab Khw Uas Muaj Txiaj Ntsig 2023 \(PDF\)](#)
- Cov yeem yaj kiab: [Zoo siab txais tos rau Minnesota WIC](#)

Qhov tseem ceeb ntawm Kev Tshuaj Ntsuam Xyuas Me Nyuam Thaum Yau

Hauv kev koom tes nrog cov niam txiv, Early Childhood Health and Developmental Screening yog ib qho zoo tshaj plaws uas tsev neeg tuaj yeem ua los txhawb lawv tus me nyuam txoj kev noj qab haus huv thiab kev kawm.

Cov niam txiv yuav txheeb npe tuaj nrog cov kws muab kev pab cuam tshuaj ntsuam xyuas hais txog tus me nyuam loj hlob thiab kawm paub tau li cas, suav nrog lawv kev txav chaw muas los, kev ua si, kev sib tham, kev pom kev, kev hnov lus, thiab kev coj li cas. Pom zoo rau los ua kev tshuaj ntsuam xyuas ntau zaus sib law liag txij thaum yug kom mus txog rau thaum kawm ntawv kiag rau qhib me nyuam yaus. Cov niam txiv paub txog lawv tus me nyuam thaum tshuaj ntsuam xyuas tuaj yeem pab kom lawv tuaj yeem tshawb nrhiav cov kev pab txhawm rau kom lawv tus me nyuam muaj kev vam meej tau.

Kev tshuaj ntsuam xyuas tej zaum yuav muaj nyob rau hauv cov chaw kuaj mob, los ntawm cov kev pab cuam kev noj qab haus huv hauv zos xws li Follow Along los sis Family Visiting, los sis los ntawm cov kev tshuaj ntsuam xyuas hauv cheeb tsam tsev kawm ntawv, uas yuav tsum muaj nyob rau ncuab nruab nrab ntawm hnuv nyoog 3 thiab pib kawm qib kawm me nyuam yaus. [Tshawb nrhiav cov khoos kas hauv cheeb tsam zos los ntawm Help Me Connect.](#)

Qhia koj lub zej zog txoj kev kho me nyuam tshiab

Lub Chaw Hauj Lwm Koom Tes Saib Xyuas Me Nyuam Yaus Hauv Zej Zog nthuav qhia tias "Cov Kev Cai Tsim Kho Tshiab," ib txoj hauv kev qhia txog txoj hauv kev tshiab rau kev saib xyuas me nyuam yaus thoob plaws hauv Minnesota.

Lub chaw hauj lwm no tsim nyob rau xyoo 2023 uas tau txais kev txhawb nqa los ntawm feem hauj lwm saib xyuas kev cai lij choj, txhawb nqa cov zej zog hauv kev tsim kev muaj peev xwm hauv kev saib xyuas me nyuam yaus nyob thoob plaws hauv Minnesota. Kev saib xyuas me nyuam yaus yog qhov tseem ceeb rau cov zej zog thiab kev lag luam kom loj hlob, thiab kev tsim peev txheej muab kev pab uas tau lees paub tias yog qhov tseem ceeb hauv kev txhawb nqa kev ua hauj lwm thiab kev loj hlob ntawm kev lag luam.

Lub Chaw Hauj Lwm koom tes ua hauj lwm nrog lwm lub xeev cov koom haum thiab ntsib nrog cov zej zog txhawm rau los mloog lawv cov kev xav tau thiab kev kawm txog cov tswv yim thiab kev koom tes uas lawv siv los txhawb kev saib xyuas me nyuam hauv lawv cheeb tsam. Los ntawm cov kev sib tham no, tau pom tseeb tias cov zej zog hauv Minnesota tab tom nrhiav kev daws teeb meem zoo txhawm rau los txhawb nqa lawv cov kev saib xyuas me nyuam.

Los ntawm kev qhia kom pom tseeb txog cov dab neeg tshiab ntawm kev txhawb nqa thiab kev sib koom tes, lwm cov kev pab cuam me nyuam yaus thiab cov zej zog tuaj yeem nrhiav tau ib qho kev coj ua uas haum rau lawv cov kev xav tau thiab rov ua cov txheej txheem ntawd hauv lawv lub zej zog los sis qhov khoos kas pab cuam. [Cov kev coj uas qhia kom pom tseeb los txog rau tam sim no](#) yog los ntawm Minnesota cov nroog nyob kev deb thiab qhia txoj hauv kev tshiab uas cov zej zog me tau txhawb nqa lawv txoj hauj lwm saib xyuas me nyuam yaus.

Muaj ntau lub tswv yim tshiab thiab muaj tswv yim uas tau tshwm sim nyob thoob plaws hauv Minnesota txhawm rau los txhawb kev saib xyuas me nyuam yaus. Koj puas muaj zaj dab neeg los qhia? Lub Chaw Hauj Lwm Koom Tes Saib Xyuas Me Nyuam Yaus Hauv Zej zoo siab txais tos kev xa tawm ntawm cov kev coj ua tshiab. Thov tiv tauj rau Tammy Wickstrom ntawm tammy.wickstrom@state.mn.us los sis 651-355-0386 los qhia txog kev coj ua tshiab los sis sib tham txog kev saib xyuas me nyuam yaus hauv koj lub zej zog.

Thov mus saib Lub Chaw Hauj Lwm Koom Tes Muab Kev Saib Xyuas Me Nyuam Yaus Hauv Zej Zog [lub vev xaib](#) yog xav paub ntau ntxiv.

Kev hloov kho tshiab rau cov khoos kas DHS uas muaj ntawv tso cai thiab muaj ntawv pov thawj

Cov phiaj xwm kev siv cai lij choj

Txhua xyoo, tom qab txoj cai lij choj tau dhau los, Department of Human Services (DHS) yuav tsim thiab xa cov phiaj xwm kev siv rau lub khoos kas uas muaj ntawv tso cai thiab tau lees paub nrog cov ntsiab lus ntawm txoj cai lij choj thiab nws cuam tshuam li cas rau cov khoos kas. Txhawm rau siv los ua pov thawj, cov phiaj xwm siv tam sim no thiab khaws cia ib txhis tuaj yeem saib tau ntawm txhua hom ntawv tso cai los sis ntawv pov thawj lub vev xaib.

- [Txoj Phiaj Xwm Kev Nqis Tes Ua Ntawm Lub Chaw Saib Xyuas Me Nyuam Yaus Uas Muaj Ntawv Tso Cai Xyoo 2024](#)
- [Txoj Phiaj Xwm Kev Nqis Tes Ua Ntawm Lub Chaw Saib Xyuas Me Nyuam Yaus Uas Muaj Ntawv Tso Cai Xyoo 2024](#)
- [Txoj Phiaj Xwm Kev Nqis Tes Ua Ntawm Kev Saib Xyuas Me Nyuam Yaus Uas Muaj Ntawv Tso Cai Xyoo 2024](#)

Hloov kho tshiab lub caij nyoog cov qauv tawm ntawv tso cai uas tau muab kho dua tshiab rau kev saib xyuas me nyuam yaus

Nyob rau hauv Lub Plaub Hli Ntuj 2024, DHS [Child Kev Hloov Kho Txoj Cai Kev Saib Xyuas](#) pab pawg neeg ua hauj lwm tau tshaj tawm daim qauv ntawv ntawm tus qauv kev tawm ntawv tso cai uas tau muab kho dua tshiab rau niam txiv pej xeem lawm. Pab pawg neeg ua hauj lwm no tau sau cov lus tawm tswv yim txog tus qauv kev tawm ntawv tso cai uas tau muab kho dua tshiab los ntawm cov kws muab kev pab cuam saib xyuas me nyuam, cov txais daim ntawv tso cai, cov niam txiv thiab cov pej xeem nyob rau ncuab Lub Tsib Hlis Ntuj – Lub Xya Hli Ntuj 2024.

Raws li cov lus tawm tswv yim uas tau txais, Department [ntxiv sij hawm](#) ntawm lub caij nyoogtus qauv kev tawm daim ntawv tso cai uas muab kho dua tshiab, txhawm rau kom tuaj yeem tawm tswv yim ntxiv thiab kho dua tau.

Caij nyoog tshiab rau cov qauv ntawv tso cai kho dua tshiab

DHS cia siab tias lub caij nyoog tshiab rau kev hloov kho cov qauv ntawv tso cai yuav yog:

- **Lub Kaum Hli Ntuj 2024:** Qhia cov ntsiab lus ntawm cov ntsiab lus tseem ceeb los ntawm kev mloog thiab kev soj ntsuam.
- **Lub Kaum Ob Hlis Ntuj 2024:** Qhia cov qauv tshiab ntawm cov qauv kev tawm ntawv tso cai kho dua tshiab raws li cov lus pom zoo uas tau txais.
- **Lub Ib Hlis Ntuj 2025:** Xa ib daim ntawv tshaj tawm ib ntus mus rau txoj tsim cai lij choj hauv xyoo 2025 nrog kev hloov kho tshiab ntawm txhua qhov hauj lwm, suav nrog lwm cov qauv kev hloov kho tshiab.
- **Lub Ib Hlis Ntuj – Lub Rau Hli Ntuj 2025:** Ua kom muaj kev sib raug zoo thiab kev koom tes nrog lub zej zog saib xyuas me nyuam yaus thiab cov niam txiv kom qhia rau lwm qhov kev hloov kho cov qauv kev tawm ntawv tso cai uas muab kho dua tshiab.
- **Lub Xya Hli Ntuj – Lub Ib Hlis Ntuj 2026:** Suav sau cov lus tawm tswv yim.
- **Lub Ob Hlis Ntuj 2026:** Nqa daim qauv ntawv thov zaum kawg mus rau txoj cai lij choj 2026 txhawm rau los txiav txim siab.

Thaum kawg lawm, nws yuav yog nyob ntawm Minnesota Txoj Cai Lij Choj txhawm rau qhia hnuv siv tau rau txhua txoj cai lij choj uas lawv dhau. DHS tau cog lus yuav mob siab los ua raws li cov qauv ntawv tso cai saib xyuas me nyuam tshiab.

Provider Hub

Provider Hub yog lub vev xaib rau cov kws muab kev pab cuam saib xyuas me nyuam txhawm rau los tswj lawv daim ntawv tso cai los sis ntawv pov thawj. Siv [Provider Hub: Los pib](#) lub vev xaib rau cov kev pab uas koj yuav tsum tau pib hauv Provider Hub. Lwm cov kev pab tuaj yeem pom tau nyob rau hauv ntu Kev Pab thiab Cov Chaw Pab (Help & Resources) hauv Hub.

Kev qhib daim ntawv tso cai Hub tom ntej no yuav yog rau Cov Kws Muab Kev Pab Cuam Saib Xyuas Me Nyuam Yaus Hauv Tsev Neeg thiab cia siab tias yuav zoo dua qub nyob rau lub caij ntuj sov xyoo 2025. Peb yuav maj mam qhib Provider Hub mus rau ob peb lub cheeb tsam nroog ib qhov chaw zuj zus, kom txog rau thaum txhua lub cheeb tsam nroog hauv Minnesota tau siv lub lab npauv yam txhij txhua. Peb yuav qhia rau koj paub thaum koj cheeb tsam yuav pib siv Provider Hub yam tsawg kawg ib hlis ua ntej. Thaum lub sij hawm no, txhawm rau npaj, koj tuaj yeem mus ntsib Provider Hub tau ntawm: Nplooj vev xaib yuav pib siv kev ntsuas kev txawj ntse fab thev naus laus zis ntawm tus kheej thiab cov lus qhia txog kev siv thev naus laus zis los pab npaj rau kev siv Provider Hub.

Txhawm rau kawm paub ntau ntxiv txog cov ntaub ntawv nthuav dav los sis tso npe nkag kom tau txais cov ntsiab lus qhia ntxaws txog qhov khoos kas, mus saib hauv [lub vev xaib Kev Pib Hloov Pauv Hauv Lab Npauv](#).

Feem Hauj Lwm Saib Xyuas Kev Kawm Thaum Pib

Cov nqi kawm thaum pib

Tam sim noDHS tab tom duav roos tus nqi hauv kev kawm txog keeb kwm yav dhau los ntawm kev kho mob rau txhua hom kev muab kev pab cuam saib xyuas me nyuam yaus. DHS yuav txuas ntxiv duav roos rau kev kawm txog keeb kwm yav dhau los ntawm kev saib xyuas me nyuam yaus thiab tus nqi tes ntaus ntawv mus txog rau 12/31/25. Qhov no suav nrog cov neeg hauv tsev, los sis ib tus neeg koom nrog txoj hauj lwm saib xyuas me nyuam yaus. Mus saib [kev kawm thaum pib txog kev saib xyuas me nyuam yaus nplooj vev xaib](#) yog xav paub ntau ntxiv txog kev kawm thaum pib txog kev saib xyuas me nyuam yaus.

Kev kawm uas tas sij hawm

Thob nco ntsoov tias, cov kws muab kev pab cuam uas muaj ntawv tso cai los sis ntawv pov thawj thiab cov tib neeg koom nrog cov kws muab kev pab cuam yuav tsum ua kom tiav kev kawm keeb kwm yav dhau los txhua-txhua tsib xyoos. Tsis txhob xa daim ntawv thov kev kawm ntau tshaj 90 hnub ua ntej hnub tas sij hawm tam sim no. Cov ntaub ntawv hais txog [txoj hau kev txheeb xyuas txog kev kawm tas sij hawm](#) (PDF) muaj muab los pab cuam.

MDH hloov pauv cov foos kev txhaj tshuaj tiv thaiv

The Minnesota Department of Health (MDH) ua qhov kev hloov pauv daim foos kev txhaj tshuaj tiv thaiv. Qhov kev hloov pauv yuav siv tau nyob rau Lub Yim Hli Ntuj 2024. Siv tau kiag tam sim ntawd, thov tso tseg tsis txhob muab cov foos txhaj tshuaj tiv thaiv faib rau lwm tus ua ntej. Kom nkag cuag tau rau qhov kev hloov kho tshiab [Koj Cov Me Nyuam Puas Tau Npaj Txhij? Txoj Cai Lij Choj Hais Txog Kev Txhaj Tshuaj Tiv Thaiv Rau Child Care and Early Childhood Programs \(PDF\)](#). Tus kab txuas [Immunization Records](#) tau raug hloov kho tshiab hauv MDH and DHS lub vev xaib.

Kev hloov kev saib xyuas me nyuam hauv tsev neeg yog cov ntawv tso cai tas mus li

Pib txij Lub Ib Hlis Ntuj Tim 1, 2025, tag nrho cov ntawv tso cai saib xyuas me nyuam hauv tsev neeg yuav raug muab tso rau hauv ib lub xyoo (Lub Ib Hlis Ntuj Tim 1–Lub Kaum Ob Hlis Ntuj Tim 31) lub ncuca puag ncig ntawm kev txuas hnub nyooq tshiab tom qab daim ntawv tso cai tau them nqi thiab them ua ntej xyoo kawg es tsis tas yuav tos tas sij hawm tom qab ib los sis ob xyoos. DHS tau npaj [cov ntawv qhia](#) txhawm rau los muab cov ntaub ntawv ntxiv txog qhov kev hloov pauv no seb yuav cuam tshuam li cas rau tsev neeg cov kev cai qhia txog kev saib xyuas me nyuam yaus. Cov lus qhia ntxiv yuav raug sib txuas lus nrog tsev neeg cov ntawv tso cai saib xyuas me nyuam yaus thiab cov neeg tuav daim ntawv tso cai raws li tau tsim los.

Cov peev txheej muab kev pab rau tsev neeg, cov me nyuam yaus thiab cov kws muab kev pab cuam

- [Cov peev txheej muab kev pab rau tsev neeg ntxiv, cov neeg muab kev pab cuam thiab cov zej zog](#)
- [Pab Kuv Txuas](#)
- [Chaw Ua Hauj Lwm Tus Tshuaj Ntsuam Xyuas Tus Kws Muab Kev Pab Cuam Saib Xyuas Mob Tus Me Nyuam Li Tsev Neeg](#)

Puas muaj lus nug?

Email ccs.communications.DHS@state.mn.us nrog cov lus nug.

Puas muaj lus tawm tswv yim?

Qhia rau peb paub txog koj cov kev xav ntawm tsab ntawv xov xwm no [los ntawm kev ua daim ntawv soj ntsuam luv-luv](#). Koj cov lus teb yuav pab lub xeev los txhim kho nws txoj kev sib txuas lus nrog cov kws muab kev pab cuam kho mob thiab cov kws qhia ntawv thaum ntxov.